

«Жасыл даму» АҚ
Басқармасының
2025 жылғы «_____» _____
(№ _____ хаттама) шешіміне
№ _____ қосымша

«Жасыл даму» АҚ
Басқармасының
2025 жылғы «_____» _____
(№ _____ хаттама) шешімімен
БЕКІТІЛГЕН

**Өндірушілердің (импорттаушылардың) кеңейтілген міндеттемелері
қолданылатын өнім (тауарлар) тұтынушылық қасиеттерін
жоғалтқаннан кейін түзілетін қалдықтарды қайта пайдалануға
дайындау, өңдеу, қайта өңдеу, залалсыздандыру және (немесе) кәдеге
жарату үшін төлемдер төлеудің үлгілік шарты**

Астана қаласы

«_____» _____ 20__ жыл

Өндірушілердің (импорттаушылардың) кеңейтілген міндеттемелерінің
операторы болып табылатын, бұдан әрі «Оператор» деп аталатын «Жасыл
даму» _____ акционерлік _____ қоғамы _____ атынан
_____ негізінде _____ әрекет _____ етуші
_____ бір тараптан, және

өндірушілердің (импорттаушылардың) кеңейтілген міндеттемелері
қолданылатын өнім (тауарлар) тұтынушылық қасиеттерін жоғалтқаннан кейін
түзілетін қалдықтарды қайта пайдалануға дайындауды, өңдеуді, қайта өңдеуді,
залалсыздандыруды және (немесе) кәдеге жаратуды жүзеге асыратын жеке
және заңды тұлғалар (бұдан әрі – Қабылдаушы), екінші тараптан,

бұдан әрі Тараптар, ал жекеше жоғарыда көрсетілгендей немесе Тарап
деп аталатындар, Қазақстан Республикасы Азаматтық кодексінің (бұдан әрі –
Кодекс) 389-бабын және Қазақстан Республикасы Экологиялық кодексінің
388-бабы 1-тармағының 5) тармақшасын;

Қазақстан Республикасы Үкіметінің 2023 жылғы 29 желтоқсандағы №
1250 қаулысымен бекітілген Өндірушілердің (импорттаушылардың)
кеңейтілген міндеттемелері операторының оның банктік шотына өндірушілер
мен импорттаушылардан түскен ақша есебінен өндірушілердің
(импорттаушылардың) кеңейтілген міндеттемелері қолданылатын өнім
(тауарлар) тұтынушылық қасиеттерін жоғалтқаннан кейін түзілетін

қалдықтарды жинауды, тасымалдауды, қайта пайдалануға дайындауды, сұрыптауды, өңдеуді, қайта өңдеуді, залалсыздандыруды және (немесе) кәдеге жаратуды жүзеге асыратын кәсіпкерлік субъектілеріне ақшалай төлемдер жасау мөлшерлерін (бұдан әрі – Қаулы) басшылыққа ала отырып;

Өндірушілердің (импорттаушылардың) кеңейтілген міндеттемелері операторының оның банктік шотына өндірушілер мен импорттаушылардан түскен ақшаны өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинауды, тасымалдауды, қайта пайдалануға дайындауды, сұрыптауды, өңдеуді, қайта өңдеуді, залалсыздандыруды және (немесе) кәдеге жаратуды ұйымдастыруға төлемдер жасау арқылы бағыттау қағидаларын (бұдан әрі – Қағидалар);

Қоршаған ортаны қорғау саласындағы уәкілетті орган бекіткен, олар бойынша осындай өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинау, тасымалдау, қайта пайдалануға дайындау, сұрыптау, өңдеу, қайта өңдеу, залалсыздандыру және (немесе) кәдеге жарату қамтамасыз етілетін, Қазақстан Республикасының аумағында өндірілетін және (немесе) Қазақстан Республикасының аумағына жеке және заңды тұлғалар әкелетін өнімнің (тауарлардың) жекелеген түрлерінің тізбесін (бұдан әрі – Тізбе);

Қоршаған ортаны қорғау саласындағы уәкілетті орган бекіткен Кәдеге жарату төлемін есептеу әдістемесін (бұдан әрі – Әдістеме);

Өндірушілердің (импорттаушылардың) кеңейтілген міндеттемелері операторының ақпараттық жүйесінде пайдаланушылардың жұмыс істеуіне арналған түсіндірмелерді (бұдан әрі – Түсіндірмелер) басшылыққа ала отырып,

төмендегілер туралы осы өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды қайта пайдалануға дайындау, өңдеу, қайта өңдеу, залалсыздандыру және (немесе) кәдеге жарату үшін төлемдер төлеудің үлгілік шартын (бұдан әрі – Шарт) жасасты.

1-тарау. Жалпы ережелер

1. Қолданылатын терминдер мен ұғымдар:

1) ақпараттық жүйе – істен шыққан көлік құралын және істен шыққан өзі жүретін ауыл шаруашылығы техникасын қоспағанда, өндірушілердің (импорттаушылардың) кеңейтілген міндеттемелері қолданылатын өнім (тауарлар) тұтынушылық қасиеттерін жоғалтқаннан кейін түзілетін қалдықтарды жинауды, тасымалдауды, қайта пайдалануға дайындауды, сұрыптауды, өңдеуді, қайта өңдеуді, залалсыздандыруды және (немесе) кәдеге жаратуды ұйымдастыруға арналған өндірушілердің (импорттаушылардың) кеңейтілген міндеттемелері операторының ақпараттық жүйесі;

2) мониторинг – Оператордың уәкілетті өкілі жүзеге асыратын және

(немесе) үшінші тұлғаларды немесе ұйымдарды (уәкілетті мемлекеттік органдарды, бұқаралық ақпарат құралдарын, салалық қауымдастықтарды, тәуелсіз аудиторларды) тарта отырып, Қағидаларда және Шартта көзделген тәртіппен әрі мерзімдерде Қабылдаушыға бару, қалдықтарды қайта өңдеу үшін пайдаланылатын өндірістік объектілерді аралау арқылы іске асырылатын іс-шаралар кешені;

3) Есеп – Қабылдаушы Оператордың ақпараттық жүйесінде Қағидаларға 7-қосымшаға сәйкес белгіленген нысан бойынша жасалатын қалдықтарды қайта пайдалануға дайындау, өңдеу, қайта өңдеу, залалсыздандыру және (немесе) кәдеге жарату жөніндегі қызметті жүзеге асыру туралы есеп;

4) төлемдерді қабылдаушы – Оператордың ақпараттық жүйесінде Оператормен Шарт жасасқан, Қазақстан Республикасының аумағында қалдықтарды жинау, сұрыптау және тасымалдау жөніндегі қызметті жүзеге асыратын төлемдерді қабылдаушы;

5) паспорт – Қабылдаушы Оператордың ақпараттық жүйесінде Қағидаларға 2-қосымшаға сәйкес белгіленген нысан бойынша толтыратын нысан;

6) қалдықтарды қайта өңдеу – өндірушілердің (импорттаушылардың) кеңейтілген міндеттемелері қолданылатын қалдықтарды қайта пайдалануға дайындау, өңдеу, қайта өңдеу, залалсыздандыру және (немесе) кәдеге жарату;

7) өндірістік объектілер – жабдықтар, техника орналасқан және қалдықтарды қайта өңдеу және (немесе) кәдеге жарату жүзеге асырылатын өндірістік үй-жайлар және (немесе) аумақ;

8) төлемдер мөлшері – Қазақстан Республикасы Үкіметінің қаулысымен бекітілген тиісті төлемдер мөлшері;

9) қалдықтарды жинау – өндірушілердің (импорттаушылардың) кеңейтілген міндеттемелері қолданылатын қалдықтарды жинау, сұрыптау және тасымалдау.

Басқа терминдер мен ұғымдар Қағидаларда қолданылатын мәндерінде пайдаланылады.

2. Тиісті қаржы жылына арналған төлемдер сомаларының лимиттері Оператордың Инвестициялық саясатында көзделеді және жыл сайын Оператордың ақпараттық жүйесінде орналастырылады.

Оператордың тиісті қаржы жылына арналған төлемдер сомаларының лимиттері таусылған жағдайда, аталған жылда қалдықтарды қайта өңдеуді жүзеге асыратын қабылдаушыларға төлемдер жасалмайды, ал Операторда оларды төлеу жөніндегі міндеттемелер туындамайды.

2-тарау. Шарттың мәні

3. Қазақстан Республикасының заңнамасында, Қағидаларда және Шартта көзделген шарттарда және тәртіппен Оператор Қабылдаушыға тиесілі төлемдерді жасауға міндеттенеді, ал Қабылдаушы мыналарды:

1) істен шыққан көлік құралдарын және өзі жүретін ауыл шаруашылығы техникасын;

2) Әдістемеде кәдеге жарату төлемін есептеуге арналған коэффициент белгіленбеген немесе «0» (нөлге) тең өнімнің (тауарлардың) қалдықтарын;

3) Кодекстің 386-бабы 2-тармағының 1) тармақшасында көзделген тәсілмен өндірушілердің (импорттаушылардың) кеңейтілген міндеттемелерін орындайтын өндірушілерді (импорттаушыларды);

4) Кодекстің 367-бабының және «Коммуналдық қалдықтарды басқару қағидаларын бекіту туралы» Қазақстан Республикасы Экологиялық, геология және табиғи ресурстар министрінің міндетін атқарушының 2021 жылғы 28 желтоқсандағы № 508 бұйрығының (Нормативтік құқықтық актілерді мемлекеттік тіркеу тізілімінде № 26341 болып тіркелген) талаптарына сәйкес қатты тұрмыстық қалдықтарды жинаудың орталықтандырылған жүйесі шеңберінде жиналған және сұрыптауға және (немесе) қатты тұрмыстық қалдықтар полигондарына көмуге берілген қалдықтарды қоспағанда, Тізбеге сәйкес, өндірушілердің (импорттаушылардың) кеңейтілген міндеттемелері қолданылатын өнімнің (тауарлардың) қалдықтарын қайта өңдеуді Қазақстан Республикасының аумағында жүзеге асыруға міндеттенеді.

4. Төлемдерді алу мақсаты үшін қалдықтарды қайта өңдеуді ұйымдастыру процесі тек қана Оператордың ақпараттық жүйесі арқылы жүзеге асырылуға тиіс, сондай-ақ Қазақстан Республикасының қолданыстағы заңнамасында, Қағидаларда, Түсіндірмелерде және Шартта белгіленген нормаларға сәйкес келуі керек.

5. Өндірушілердің (импорттаушылардың) кеңейтілген міндеттемелері қолданылмайтын өнімнің (тауарлардың) қалдықтары бойынша Оператор төлемдер жасамайды, ал Қабылдаушыда осындай қалдықтарды басқару жөніндегі қызметтің жүзеге асырылуына қарамастан, оларды алуға құқықтар туындамайды.

6. Қабылдаушы Есепке енгізу үшін салыстырып тексеру мерзімі өткен таразы жабдығында өлшенетін (өлшенген) қалдықтардың массасын пайдаланбайды. Қабылдаушы Қағидаларда және (немесе) Түсіндірмелерде Documents және (немесе) Шартта көзделген қалдықтарды қайта өңдеу жөніндегі нормаларды сақтамаған және (немесе) қалдықтарды қайта өңдеуді аталған нормаларды бұза отырып жүзеге асырған жағдайда, мұндай Есепті Оператор растауға тиіс емес.

7. Осы Шарттың қолданылу мерзімі Шарт жасасқан күннен бастап 36 (отыз алты) айды құрайды. Егер Тараптардың ешқайсысы оны бұзу ниеті туралы мәлімдемесе, бұзуға негіздер болмаған кезде Шарт автоматты түрде ұзартылады.

3-тарау. Тараптардың құқықтары мен міндеттері

8. Оператор құқылы:

1) Қабылдаушыдан Қазақстан Республикасы заңнамасының, Қағидалардың, Түсіндірмелердің нормаларын және Шарт шарттарын тиісінше орындауды талап етуге;

2) төлемдерді алу үшін тиісті Шарт жасасқан күннен бастап Қабылдаушыдан бухгалтерлік есеп пен қаржылық есептілікті жүргізуді Қазақстан Республикасының бухгалтерлік есеп, қаржылық есептілік, салық салу туралы заңнамасының нормаларына сәйкес жүзеге асыруды талап етуге, сондай-ақ растаушы құжаттарды сұратуға;

3) Қабылдаушыдан Қазақстан Республикасы Қаржы министрінің 2012 жылғы 20 желтоқсандағы № 562 бұйрығымен бекітілген бастапқы есепке алу құжаттарының белгіленген нысандарына, Қазақстан Республикасының қолданыстағы салық заңнамасына және Қағидаларға сәйкес, қалдықтарды қабылдауды, өлшеуді, қайта өңдеуді, кәдеге жаратуды, бұдан былай пайдалануға жарамсыз қалдықтарды жоюды және (немесе) дайын өнімді, пайдалы компоненттерді, шикізатты және (немесе) олардың мақсатына қарамастан, өнімді, материалдарды немесе заттарды өндіруде (дайындауда) бұдан былай пайдалануға жарамды өзге де материалдарды, дайын өнімді өткізуді растайтын құжаттарды ресімдеуді талап етуге;

4) Қабылдаушыға төлемдер жасауды тоқтата тұруға және (немесе) тоқтатуға, Қағидаларда және (немесе) Шартта көзделген негіздер бойынша Қабылдаушыдан бұрын төленген төлемдер сомаларын талап етіп алуға;

5) Шарттың бүкіл қолданылу мерзімі ішінде Қабылдаушының кез келген құжаттарын қарау, бару, мониторинг нәтижелері бойынша анықталған Оператордың негізді ескертулерін жоюды талап етуге;

6) Шарттың бүкіл қолданылу мерзімі ішінде Қабылдаушыдан Қағидаларда белгіленген нормаларға сәйкес анық, өзекті әрі нақты мәліметтерді және (немесе) тиісінше ресімделген құжаттарды ұсынуды талап етуге құқығы бар.

7) Қабылдаушының Қағидалардың 54-тармағында көзделген нормаларға сәйкес келмеген кезеңінде жиналған қалдықтардың массасын қалдықтарды қайта пайдалануға дайындау, өңдеу, қайта өңдеу, залалсыздандыру және (немесе) кәдеге жарату жөніндегі қызметті жүзеге асыру туралы есептен алып тастауға және оны пысықтауға жіберуге;

8) Қабылдаушының Қағидалардың 54-тармағында көзделген нормаларға сәйкес келмеген кезеңінде төленген сомаларды қайтаруды талап етуге;

9) Қабылдаушының Оператордың ақпараттық жүйесінде тіркелу кезінде немесе Шарттың қолданылу мерзімі ішінде ұсынған мәліметтеріне және (немесе) құжаттарына өзгерістер енгізу туралы өтінімін қабылдамай тастауға;

10) уақытша қоймалау орындарына, автомобиль көлігіне, таразы, техникалық жабдықтарға меншік құқығын және (немесе) өзге де заңды құқығын растайтын құжаттарды тексеру кезінде құқық белгілейтін, сәйкестендіру, техникалық құжаттарды, тіркелген құқықтар, техникалық сипаттамалар туралы анықтамаларды және т.б. талап етіп алуға;

11) Қабылдаушыға Қағидаларда, Түсіндірмелерде және Шартта көзделген міндеттемелерді орындаумен байланысты, орындалуы міндетті

нұсқаулар беруге;

12) Операторда мониторинг барысында, сондай-ақ құжаттарды қарау нәтижелері бойынша туындаған негізді кінәрат-талаптарды қоюға, сонымен қатар Оператор көрсеткен мерзімдерде кемшіліктерді жоюды талап етуге;

13) Қабылдаушының өндірістік объектілеріне кіру мүмкіндігімен, Қағидаларда және Шартта көзделген тәртіппен әрі мерзімдерде мониторингті жүзеге асыруға;

14) жазбаша сұратулар негізінде Қабылдаушыдан Қағидалар нормаларының, Түсіндірмелердің орындалуына және Шарт шарттарына қатысты жазбаша түсініктемелерді, мәліметтерді талап етуге;

15) Қабылдаушыдан Оператордың ақпараттық жүйесін Қағидаларда, Түсіндірмелерде және Шартта айқындалған тәртіппен пайдалануды талап етуге;

16) осы Шартты Қазақстан Республикасының заңнамасында, Қағидаларда, Түсіндірмелерде және (немесе) Шартта көзделген шарттарда және тәртіппен бұзуға құқығы бар.

17) қалдықтарды жинауды және (немесе) тасымалдауды жүзеге асырғаны үшін төлемдерді қабылдаушы Қағидаларды және (немесе) Түсіндірмелерді орындамаған және тиісінше орындамаған жағдайда, сондай-ақ қалдықтарды жинауды және (немесе) тасымалдауды жүзеге асырғаны үшін төлемдерді қабылдаушы қалдықтарды жинау, сұрыптау және тасымалдау жөніндегі қызметті жүзеге асыру туралы есепті дайындау бөлігінде бұзушылықтарға жол бергенде, қайта өңделген қалдықтардың массасын Есепте көрсетілген қалдықтардың жалпы массасынан алып тастауға және оны пысықтауға жіберуге;

18) қалдықтарды қайта өңдеу процесін тексеру және (немесе) оған мониторинг жүргізу үшін үшінші тұлғаларды немесе ұйымдарды тартуға, сондай-ақ Қағидалардың, Түсіндірмелердің және Шарттың нормаларын орындау шеңберінде қалдықтарды қайта өңдеуді тікелей және (немесе) жанама түрде растайтын және (немесе) оған қатысы бар құжаттар мен процестерге қатысты олар үшін нормаларды, олардың құқықтары мен міндеттерін айқындауға;

19) құқық қорғау органдарына, бақылау және қадағалау органдарына, жалғыз акционерге, сыртқы және ішкі аудиторларға Шарттың орындалу барысы туралы ақпаратты және (немесе) құжаттаманы ұсынуға;

20) Қабылдаушы Операторға анық емес мәліметтерді ұсыну, алаяқтық, есептерді асыра көрсету (көзбояушылық), алдау, құжаттарды қолдан жасау (фальсификациялау) фактілерін жасау және Қабылдаушы тарапынан болған өзге де құқыққа қайшы әрекеттер нәтижесінде алған төлемдер сомаларын қайтаруды талап етуге;

21) төлемдерді алу мақсатында Қабылдаушы тарапынан алаяқтық, есептерді асыра көрсету (көзбояушылық), алдау, құжаттарды қолдан жасау (фальсификациялау) фактілері анықталған жағдайда, қажетті шаралар қолдану үшін тиісті мәліметтер мен материалдарды құқық қорғау органдарына беруге;

22) Шарттың қолданылу мерзімі ішінде Қазақстан Республикасының

заңнамасында белгіленген тәртіппен Қабылдаушыны және (немесе) оның басшыларын, қатысушыларын, акционерлерін жаппай қырып-жою қаруын таратуды қаржыландырумен байланысты ұйымдар мен тұлғалардың тізбесінде және (немесе) терроризм мен экстремизмді қаржыландырумен байланысты ұйымдар мен тұлғалардың тізбесінде бар-жоғына тексеруге;

23) Оператордың Инвестициялық саясатында көзделген төлемдерге арналған лимит толық пайдаланылған жағдайда төлемдерді тоқтата тұруға;

24) Қағидаларға, Түсіндірмелерге іспетті және Шартқа сәйкес төлемдерді жүзеге асырмастан қабылдаушының есебін қарауға және растауға;

25) Қазақстан Республикасының заңнамасында көзделген тәртіппен Шарт бойынша өзінің құқықтары мен міндеттерін беруге (міндеттемедегі тұлғалардың ауысуы);

26) Қазақстан Республикасының заңнамасына, Қағидаларға, Түсіндірмелерде және Шартқа сәйкес басқа да құқықтарды пайдалануға;

27) қателер анықталған жағдайда, егер есеп бұрын Қағидалардың 79-тармағында көзделген негіздер бойынша пысықтауға жіберілген болса, Есепті қайтадан пысықтауға жіберуге құқығы бар. Бұл ретте, егер аталған қателер Есепті растау немесе қабылдамай тастау туралы шешім қабылдауға әсер етпейтін болса, мұндай қателер қорытынды шешімге ықпал етпестен түзетілуге жатады.

9. Оператор міндетті:

1) Шарт бойынша құқықтар мен міндеттерді іске асыру кезінде Қабылдаушылар үшін тең жағдайларды қамтамасыз етуге;

2) Оператордың ақпараттық жүйесіне тәулік бойы қол жеткізуді қамтамасыз етуге, жүргізілетін техникалық жұмыстар туралы алдын ала хабарлауға. Бұл ретте Оператордың жүйе пайдаланушыларымен өзара іс-қимылы Оператордың жұмыс уақытында жүзеге асырылады;

3) Қабылдаушы Оператордың ақпараттық жүйесінде ұсынған өтінімдер мен құжаттарды Қағидаларда, Түсіндірмелерде және Шартта белгіленген тәртіппен әрі мерзімдерде қарауды жүзеге асыруға;

4) Қабылдаушылардың дербес деректерін Қазақстан Республикасының заңнамасында және Оператордың қолданыстағы ішкі актілерінде белгіленген тәртіппен өңдеуге;

5) Оператордың ақпараттық жүйесінде Қағидаларда, Түсіндірмелерде және Шартта көзделген құжаттардың, келісімдердің тиісті белгіленген нысандарын, сондай-ақ хабарламалар мен хабарландыруларды уақтылы орналастыруға;

6) Қабылдаушы Қағидаларда, Түсіндірмелерде және Шартта көзделген міндеттемелерді тиісінше орындаған және тиісінше ресімделген Есепті уақтылы ұсынған жағдайда, Оператордың ақпараттық жүйесінде Қабылдаушының Есепті Қағидаларда, Түсіндірмелерде және Шартта белгіленген тәртіппен растауға;

7) Оператор Есепті қарап, растағаннан кейін Қағидаларда, Түсіндірмелерде және Шартта белгіленген мерзімдерде әрі шарттарда Қабылдаушыға қалдықтарды қайта өңдегені үшін Төлемдер мөлшерін

есептеуге және Қаулымен бекітілген мөлшерде ақшалай төлемдер жасауға;

8) Оператордың ақпараттық жүйесіне рұқсатсыз кіру әрекеттерінің алдын алуға;

9) Қазақстан Республикасының заңнамасына сәйкес өзге де міндеттерді атқаруға міндетті.

10. Алушы құқылы:

1) Оператордан Қағидаларда және Шартта көзделген міндеттемелерді тиісінше орындауды талап етуге;

2) Шарт бойынша құқықтар мен міндеттерді іске асыру үшін тең жағдайлардың қамтамасыз етілуін талап етуге;

3) дербес деректердің Қазақстан Республикасының заңнамасында белгіленген тәртіппен тиісінше өңделуін талап етуге;

4) Оператор Есепті растаған жағдайда, Оператордан төлемдердің Оператордың ақпараттық жүйесінде көрсетілген өзінің банктік шотына уақтылы және толық аударылуын талап етуге;

5) Оператордың ақпараттық жүйесінің тиісінше жұмыс істеуін талап етуге;

6) Оператордан Оператордың ақпараттық жүйесінде ұсынылған құжаттардың Қағидаларда, Түсіндірмелерде және Шартта белгіленген тәртіппен әрі мерзімдерде қаралуын талап етуге;

7) Қазақстан Республикасының заңнамасына, Қағидаларға және осы Шартқа сәйкес өзге де құқықтарға ие болуға құқылы.

11. Алушы міндетті:

1) қалдықтарды қайта өңдеуді тиісінше, Қазақстан Республикасы заңнамасының, Қағидалардың, Түсіндірмелердің нормаларына және Шарт шарттарына, жүзеге асырылатын қызметті регламенттейтін нормативтік-техникалық құжаттарға сәйкес жүзеге асыруға;

2) Оператордың ақпараттық жүйесінде тіркелуге, қажетті анық мәліметтерді уақтылы әрі толық көлемде енгізуге, өтінімдер мен басқа да құжаттардың қаралу және өңделу мәртебесін қадағалап отыруға;

3) Шарттың бүкіл қолданылу мерзімі ішінде Қағидалардың 54-тармағында көзделген нормаларға сәйкес келуге;

4) Шарттың бүкіл қолданылу мерзімі ішінде бухгалтерлік есеп пен қаржылық есептілікті Қазақстан Республикасының бухгалтерлік есеп, қаржылық есептілік, салық салу туралы заңнамасының нормаларына сәйкес жүргізуге, сондай-ақ Оператордың сұратуы бойынша 3 (үш) жұмыс күні ішінде (егер Қағидаларда және (немесе) Түсіндірмелерде өзгеше көзделмесе) растаушы құжаттарды ұсынуға;

5) белгіленген бастапқы есепке алу құжаттарының нысандарын бекіту туралы бұйрықтың нормаларына, Қазақстан Республикасының қолданыстағы салық заңнамасына, Қағидалар мен Түсіндірмелерге сәйкес, қалдықтарды қабылдауды, беруді, өлшеуді, тасымалдауды, қайта өңдеуді, кәдеге жаратуды, бұдан былай пайдалануға жарамсыз қалдықтарды жоюды және (немесе) дайын өнімді, пайдалы компоненттерді, шикізатты және (немесе) олардың мақсатына қарамастан, өнімді, материалдарды немесе заттарды өндіруде (дайындауда)

бұдан былай пайдалануға жарамды өзге да материалдарды, алынған өнімді өткізуді растайтын құжаттарды ресімдеуді жүзеге асыруға;

6) Оператордың ақпараттық жүйесін және электрондық құжат айналымы жүйесін орнату (тіркеу) және пайдалану бойынша барлық шығыстарды дербес көтере отырып, Оператордың ақпараттық жүйесі және Оператордың электрондық құжат айналымы жүйесіне ұқсас немесе онымен интеграцияланған электрондық құжат айналымы жүйесі арқылы Оператормен алдын ала тіркелуге және өзара іс-қимыл жасауға;

7) сауалнамада және (немесе) паспортта көрсетілген мәліметтер өзгерген жағдайда, өзгерістер туындаған күннен бастап 10 (он) жұмыс күнінен кешіктірмей, Оператордың қарауы үшін Оператордың ақпараттық жүйесінде сауалнамаға және (немесе) паспортқа тиісті өзгерістер енгізуге өтінім беруге;

8) қалдықтарды жеткізу шарттарын жасасуға және қалдықтарды Оператордың ақпараттық жүйесі арқылы тек қана Оператормен қалдықтарды жинау, сұрыптау, өңдеу және тасымалдау үшін төлемдер жасау туралы қолданыстағы шарттары бар тұлғалардан қабылдауға;

9) қалдықтардың әрбір партиясын салыстырып тексерілген таразы жабдығында тиісінше өлшеуді қамтамасыз етуге, өлшеу нәтижелерін Оператордың ақпараттық жүйесінде көрсетуге;

10) Оператордың ақпараттық жүйесін Түсіндірмелерге сәйкес пайдалануға, Оператордың ақпараттық жүйесінде құжаттарға қол қою кезінде бірінші басшының немесе Қабылдаушының қаржылық құжаттарға қол қою құқығы бар уәкілетті тұлғасының электрондық цифрлық қолтаңбасын пайдалануға, бұл ретте аталған тұлғалардың өкілеттіктерін растайтын құжаттарды ұсынуға міндетті.

11) Оператордың ақпараттық жүйесінде қалдықтарды жинау жөніндегі қызметті жүзеге асыратын төлемдерді қабылдаушымен бірлесіп, Түсіндірмелерге 3-қосымшаға сәйкес белгіленген нысан бойынша қалдықтардың әрбір партиясын қабылдау-беру актісін тиісінше ресімдеуге;

12) Оператордың ақпараттық жүйесінде Есепті Қағидаларда, Түсіндірмелерде және Шартта көзделген тәртіппен ресімдеуге;

13) Оператордың тапсырмасы бойынша қалдықтарды жинау, сұрыптау және тасымалдау үшін төлемдерді қабылдаушыдан қалдықтарды қабылдауды басым тәртіппен жүзеге асыруға, бұл ретте мұндай қалдықтардың массасын Оператордың ақпараттық жүйесіндегі көлемге міндетті түрде енгізуге;

14) Оператордың сұратуы бойынша және ол көрсеткен мерзімдерде Қазақстан Республикасының заңнамасында, Қағидаларда, Түсіндірмелерде және Шартта көзделген өз міндеттемелерінің орындалу барысы туралы ақпаратты ұсынуға;

15) ұсынылған мәліметтер мен құжаттардың нақтылығы, толықтығы, өзектілігі әрі анықтығы үшін Оператор, үшінші тұлғалар және мемлекеттік органдар алдында дербес жауапты болуға;

16) Қабылдаушы Қағидаларда және (немесе) Түсіндірмелерде және (немесе) Шартта көзделген міндеттемелерді орындамауына және (немесе) тиісінше орындамауына байланысты туындаған жағдайда, Операторға

келтірілген залалдарды өтеуге;

17) Қағидаларда, Түсіндірмелерде және Шартта көзделген шарттар, нормалар мен мерзімдер бұзыла отырып қайта өңделген қалдықтардың және өткізілген дайын өнімнің массасы үшін төлем жасауды талап етпеуге;

18) Оператордың уәкілетті өкілін мониторинг жүргізу және (немесе) мониторингтің өзге де негіздері бойынша тексерулер жүргізу үшін қалдықтарды қайта өңдеу жөніндегі өзінің өндірістік объектілеріне жіберуге, сондай-ақ сұратылатын барлық құжаттаманы ұсынуға;

19) Оператор Есепті пысықтауға жіберген кезде, оны Оператор алып тастаған қалдықтардың массасын ескере отырып және (немесе) Есептің пысықтауға жіберілуіне себеп болған ескертулерді жоя отырып, Қағидаларда және Түсіндірмелерде көзделген мерзімдерде әрі жағдайларда қалыптастыруға;

20) Шарт бойынша өзінің міндеттемелерін үшінші тұлғаларға бермеуге;

21) Қазақстан Республикасының заңнамасына және осы Шартқа сәйкес өзге де міндеттерді атқаруға міндетті.

4-тарау. Өзара есеп айырысу (төлем жасау) тәртібі

12. Шарт бойынша барлық төлемдерді Оператор тек қана Қазақстан Республикасының ұлттық валютасымен жүзеге асырады.

13. Қабылдаушы ай аяқталғаннан кейін, келесі айдың 15 (он бес) ісіне дейін Оператордың ақпараттық жүйесінде біржолғы Есепті қалыптастырады және мыналарды ұсынады:

1) өздері мен қалдықтарды жинау, сұрыптау және тасымалдау үшін төлемдерді қабылдаушы арасындағы электрондық шот-фактураларды;

2) дайын өнімнің өткізілгенін растайтын электрондық шот-фактураларды;

3) дайын өнімнің осы Қағидалардың 56-тармағының 6) тармақшасына сәйкес ұсынылған стандарттау жөніндегі құжатқа сәйкестігін растайтын құжаттарды (сынақ хаттамасы, сапа паспорты немесе «Стандарттау туралы» Қазақстан Республикасының Заңында белгіленген ұқсас құжат) (бар болса);

4) қалдықтар, оның ішінде ілеспе қалдықтар, дайын өнім және пайдалы компоненттер бөлігіндегі материалдық мәлімдемені;

5) массасын анықтауға мүмкіндік бермейтін данамен және (немесе) өзге де өлшем бірліктерімен өлшенетін дайын өнім шығарылған жағдайда, дайын өнімнің массасын анықтауға мүмкіндік беретін есептеу ұсынылады.

Электрондық шот-фактуралардың саны 100 (жүз) бірліктен асатын жағдайда, өткізілген дайын өнімге арналған 100 (жүз) электрондық шот-фактура және қосымша Түсіндірмелердің 25-тармағының 3) тармақшасында көзделген талаптарға сәйкес бірінші басшы (уәкілетті тұлға) немесе оны алмастыратын тұлға қол қойған, есепті кезең үшін тоннамен, Excel форматында және PDF форматында бухгалтерлік есептің электрондық базасынан түсірілім ұсынылады.

14. Оператор Есепті ұсынылған құжаттармен бірге, Қабылдаушы оған Оператордың ақпараттық жүйесінде электрондық цифрлық қолтаңба арқылы қол қойған күннен бастап 15 (он бес) жұмыс күні ішінде қарастырады.

15. Қабылдаушы Есепті Шарттың 13-тармағында көрсетілген мерзім өткеннен кейін қалыптастырған және қол қойған жағдайда, есепті кезеңдегі Есепті Оператор қарауға жатпайды.

16. Электрондық шот-фактура Қабылдаушының қосылған құн салығын төлеуші ретінде тіркеу есебінде тұруының бар-жоғына қарамастан, Қазақстан Республикасының салық заңнамасында көзделген тәртіппен және шарттарда жазылады.

17. Есепті жасау кезінде Қабылдаушы Қағидаларда және (немесе) Түсіндірмелерде белгіленген нормаларды сақтай отырып, нақты қайта өңделген қалдықтарды анық көрсетуге тиіс. Төлемдерді Оператор өзінің Инвестициялық саясатында белгілеген лимиттер сомасы шегінде жүзеге асырады.

18. Оператор төлемдерді Шарттың қағидалары мен шарттарына сәйкес Қабылдаушының банктік шотына толық көлемде аударғаннан кейін есеп айырысу жүргізілді деп есептеледі.

19. Оператор Есептің расталмауына, төлемдердің тоқтатыла тұруына, Шарттың бұзылуына байланысты Қабылдаушыға қандай да бір ақшалай қаражатты және Қабылдаушы шеккен кез келген шығыстарды өтемейді.

20. Төлемдерді алу үшін Қабылдаушы үшінші тұлғалардың банктік шоттарын банктік шот ретінде пайдаланбайды.

21. Ақшалай қаражатты аударуға байланысты барлық банктік шығыстарды ақшалай қаражатты жіберуші төлейді.

5-тарау. Тараптардың жауапкершілігі

22. Қабылдаушы Операторға және уәкілетті органдарға ұсынылатын мәліметтердің, құжаттардың, есептердің нақтылығы, толықтығы, өзектілігі әрі анықтығы үшін жауапты болады.

23. Шарт бойынша Тараптар Шарттан туындайтын міндеттемелерді орындамағаны және (немесе) тиісінше орындамағаны үшін Қазақстан Республикасының қолданыстағы заңнамасына, Қағидаларға, Түсіндірмелерге және Шартқа сәйкес жауаптылықта болады.

6-тарау. Шартты бұзу тәртібі

24. Оператор Шарт бұзылуы жоспарланған күнге дейін кемінде 10 (он) жұмыс күні бұрын Шартты бұзу негізін көрсете отырып, Оператордың ақпараттық жүйесінде Қабылдаушыны хабардар ете отырып, Шартты біржақты тәртіппен бұзуға құқылы.

25. Оператордың Шартты біржақты тәртіппен бұзуы мынадай жағдайларда жүзеге асырылады:

1) Шарт жасасу кезінде Қабылдаушы Оператордың ақпараттық жүйесінде Операторға көрінеу жалған құжаттарды және (немесе) мәліметтерді ұсынғанда, егер түпнұсқа құжаттар немесе мәліметтер Шарт жасасудан және төлемдерді алудан бас тарту үшін негіз болуы мүмкін болса;

2) Шарттың бүкіл қолданылу мерзімі ішінде Қабылдаушы Операторға қалдықтарды қайта өңдеу туралы құжаттарды тексеру, мониторинг, бару шеңберінде, уәкілетті мемлекеттік органдардан келіп түскен мәліметтерде анықталған көрінеу анық емес мәліметтерді ұсынғанда;

3) Шарттың қолданылу мерзімі ішінде Қағидалардың 54-тармағында көзделген нормаларға сәйкес келмейтіндігі анықталғанда;

4) Қабылдаушы Қағидалардың 124-тармағын орындамағанда және (немесе) тиісінше орындамағанда;

5) Қағидалардың 122-тармағында сипатталған жағдай туындағанда.

26. Оператор Шартты осы Шарттың 25-тармағында көзделген негіздер бойынша біржақты тәртіппен бұзған жағдайда, Оператор бұзушылықтар жасалған және (немесе) Қағидалардың және (немесе) Түсіндірмелердің және (немесе) Шарттың нормалары орындалмаған (сақталмаған) есепті кезеңдерде төленген ақшалай қаражатты талап етіп алуға құқылы. Оператор болжамды бұзылу күніне дейін 10 (он) күнтізбелік күн бұрын Оператордың ақпараттық жүйесінде Шартты бұзу және (немесе) ақшалай қаражатты талап етіп алу туралы хабарламаны орналастырады. Сондай-ақ Шартты бұзу және (немесе) ақшалай қаражатты талап етіп алу туралы хабарлама Қабылдаушыға Оператордың ақпараттық жүйесінде тіркелу кезінде көрсетілген электрондық құжат айналымы және (немесе) электрондық пошта және (немесе) мессенджер арқылы қосымша жіберіледі.

Қабылдаушы 10 (он) күнтізбелік күнге дейінгі мерзімде Операторға талап етілетін соманы төлейді, бұл ретте, Оператормен келісім бойынша Қабылдаушының берешекті өтеуі хабарлама орналастырылған және (немесе) жіберілген күннен бастап 3 (үш) айдан аспайтын мерзімде Оператор бекіткен кестеге сәйкес жүзеге асырылуы мүмкін.

Қабылдаушы талап етілетін ақшалай қаражатты қайтарудан бас тартқан жағдайда, барлық келіспеушіліктер Қазақстан Республикасының қолданыстағы заңнамасына сәйкес шешіледі.

7-тарау. Даулар мен келіспеушіліктер

27. Тараптар Шарт бойынша немесе оған байланысты өз араларында туындайтын барлық келіспеушіліктер мен дауларды тікелей келіссөздер мен хат-хабар алмасу процесінде шешу үшін барлық күш-жігерін жұмсауға тиіс.

28. Тараптар келіссөздер мен хат-хабар алмасу процесінде шешпеген даулар мен келіспеушіліктер, екінші Тарапқа осы ниет туралы кемінде 10 (он) жұмыс күні бұрын тиісінше жазбаша хабарланғаннан кейін, Қазақстан Республикасының қолданыстағы заңнамасына сәйкес Оператор орналасқан жер бойынша соттың қарауына беріледі.

8-тарау. Еңсерілмейтін күш мән-жайлары (форс-мажор)

29. Тараптардың бірінің немесе екеуінің де қызметіне тікелей әсер ететін еңсерілмейтін күш мән-жайларының (форс-мажордың) салдарынан болған жағдайда, Тараптар Шарт талаптарын орындамағаны үшін жауаптылықта болмайды.

30. Шарттың мақсаттары үшін «еңсерілмейтін күш мән-жайлары (форс-мажор)» деп Тараптардың еркіне бағынбайтын, алдын ала болжау мүмкін емес сипатқа ие және еңсерілмейтін күштің, яғни осы жағдайлардағы төтенше және жол берілмейтін мән-жайлардың (дүлей зілзалалар, әскери іс-қимылдар, табиғи және техногендік сипаттағы төтенше жағдайлар) салдары болып табылатын, мемлекеттік органдардың немесе лауазымды тұлғалардың Шарт бойынша міндеттемелерді орындау мүмкіндігіне тікелей әсер еткен шектеуші немесе тыйым салушы актілерін білдіреді. Нарықта орындау үшін қажетті тауарлардың, жұмыстардың немесе көрсетілетін қызметтердің болмауы мұндай мән-жайларға жатпайды.

31. Еңсерілмейтін күш мән-жайлары туындаған кезде мұндай мән-жайлардың әсеріне ұшыраған Тарап 5 (бес) жұмыс күні ішінде екінші Тарапқа мұндай мән-жайлар мен олардың себептері туралы жазбаша хабарлама жібереді. Егер екінші Тараптан өзгеше жазбаша нұсқаулар келіп түспесе, Тарап Шарт бойынша өз міндеттемелерін қаншалықты мақсатқа сай болса, соншалықты орындауды жалғастырады және Шартты орындаудың еңсерілмейтін күш мән-жайларына тәуелсіз баламалы тәсілдерін іздестіруді жүргізеді. Хабарламамау немесе уақтылы хабарламау мұндай мән-жайлардың әсеріне ұшыраған Тарапты осы Шарт бойынша өз міндеттемелерін орындауды тоқтата тұру мүмкіндігі үшін негіз ретінде кез келген еңсерілмейтін күш мән-жайына сілтеме жасау құқығынан айырады.

32. Еңсерілмейтін күш (форс-мажор) мән-жайлары туындаған жағдайда, Шарт бойынша міндеттемелерді орындау мерзімі мұндай мән-жайлар мен олардың салдары қолданылатын уақытқа барабар кейінге шегеріледі.

33. Форс-мажорлық мән-жайдың туындауы Тараптарды мұндай мән-жай туындағанға дейін пайда болған өз міндеттемелерін орындаудан босатпайды. Егер еңсерілмейтін күш мән-жайлары (форс-мажор) 2 (екі) айдан астам уақытқа созылса, Тараптар осы Шартты орындаудың қолайлы баламалы тәсілдерін анықтау үшін қосымша келіссөздер жүргізеді.

9-тарау. Құпиялылық

34. Ақпарат Қабылдаушының қызметкерлеріне құпия түрде және міндеттемелерді орындау үшін қаншалықты қажет болса, сондай көлемде ұсынылуға тиіс.

35. Тараптардың бір-біріне ұсынатын, осы Шартқа байланысты барлық қаржылық, коммерциялық және өзге де ақпарат, құпиялылық белгісінің (грифінің) бар-жоғына қарамастан, құпия деп есептеледі.

36. Тараптар ақпараттың үшінші тұлғаларға жария етілуіне жол бермеу үшін барлық қажетті әрі қисынды шараларды қабылдайды. Ақпаратты жария ету және (немесе) Тараптардың кез келгенінің қалдықтарды жинауды растайтын ақпарат пен құжаттарды Оператор тексеру үшін тартқан ұйымға ұсынуы құпиялылықты жария ету болып табылмайды.

37. Тараптардың ешқайсысы екінші Тараптың жазбаша келісімінсіз Шарттың мазмұнына қатысты ақпаратты немесе Шарт ережелерін іске асыруға байланысты және құпия деп есептелетін өзге де ақпаратты ашуға құқылы емес, мынадай жағдайлар бұған қосылмайды:

1) ақпарат сот талқылауы барысында пайдаланылғанда;

2) мұндай үшінші тұлға осы ақпараттың құпиялылық шарттарын сақтау және оны Тараптар белгілеген мақсаттарда ғана және Тараптар белгілеген мерзімге пайдалану міндеттемесін өзіне алған жағдайда, ақпарат Шарт бойынша Тараптардың біріне қызмет көрсететін үшінші тұлғаларға ұсынылғанда;

3) мұндай банк немесе қаржы ұйымы осы ақпараттың құпиялылық шарттарын сақтау міндеттемесін өзіне алған жағдайда, ақпарат Тараптардың бірі қаржылай қаражат алатын банкке немесе өзге де қаржы ұйымына ұсынылғанда;

4) ақпарат қоршаған ортаны қорғау саласындағы уәкілетті органға, Қазақстан Республикасының салық немесе өзге де уәкілетті мемлекеттік органдарына ұсынылғанда, олар кез келген ақпаратқа, соның ішінде Қабылдаушының кез келген банктік шоттарына, сондай-ақ Қазақстан Республикасынан тыс жерлердегі шетелдік банктерде ашылған шоттарына қатысты банктік құпия болып табылатын ақпаратқа қол жеткізе алады;

5) Қазақстан Республикасының заңнамасында көзделген басқа жағдайларда, соның ішінде Оператор өз міндеттемелерін орындаған кезде.

38. Ақпаратты жария етуге қатысты шектеулер көпшілікке қолжетімді ақпаратқа немесе кейіннен Тараптардың кінәсінен емес көпшілікке қолжетімді болған ақпаратқа, сондай-ақ екінші Тараптан алынғанға дейін немесе алынғаннан кейін басқа дереккөздерден Тарапқа белгілі болған ақпаратқа қолданылмайды.

39. Осы баптың ережелерін бұзушылықтарды дәлелдеу міндеті мұндай бұзушылық туралы мәлімдеген Тарапқа жүктеледі.

10-тарау. Сыбайлас жемқорлыққа қарсы ескертпе

40. Тараптар олардың әрқайсысы парақорлық пен сыбайлас жемқорлыққа мүлдем төзбеушілік саясатын жүргізетінін таниды және растайды, бұл саясат сыбайлас жемқорлық әрекеттеріне және осы Шартты орындауға байланысты рәсімдерді оңайлату, қандай да бір мәселелердің тезірек шешілуін қамтамасыз ету мақсатында жәрдемдескені үшін төлемдер, сондай-ақ өзге де төлемдер жасауға тыйым салуды көздейді. Тараптар өз қызметінде Қазақстан Республикасының сыбайлас жемқорлыққа қарсы іс-қимыл саласындағы

заңнамасын және оның негізінде әзірленген, сыбайлас жемқорлыққа қарсы іс-қимылға бағытталған саясаттар мен рәсімдерді басшылыққа алады.

41. Шарт бойынша өз міндеттемелерін орындау кезінде Тараптар өздеріне байланысты барлық шараларды қабылдайды, олар Тараптардың, олардың қызметкерлерінің немесе өкілдерінің қандай да бір заңсыз артықшылықтар алу немесе өзге де заңсыз мақсаттарға қол жеткізу үшін осы тұлғалардың әрекеттеріне немесе шешімдеріне әсер ету мақсатында екінші Тараптың кез келген қызметкеріне, лауазымды тұлғасына тікелей немесе жанама түрде қандай да бір ақшаны немесе басқа да құндылықтарды төлемейтініне, төлеуді ұсынбайтынына және төлеуге рұқсат бермейтініне кепілдік береді.

42. Шарт бойынша өз міндеттемелерін орындау кезінде Тараптар, олардың қызметкерлері немесе өкілдері Қазақстан Республикасының заңнамасында пара беру/алу, коммерциялық сатып алу деп білінетін әрекеттерді, сондай-ақ Қазақстан Республикасының сыбайлас жемқорлыққа қарсы іс-қимыл туралы, қылмыстық жолмен алынған кірістерді заңдастыруға (жылыстатуға) және терроризмді қаржыландыруға қарсы іс-қимыл туралы заңнамасының нормаларын бұзатын әрекеттерді жасамайды.

43. Жоғарыда көрсетілген сыбайлас жемқорлық сипатындағы әрекеттер анықталған жағдайда, Тараптар Қазақстан Республикасының заңнамасына сәйкес шаралар қабылдауға міндеттенеді.

11-тарау. Қорытынды ережелер

44. Қабылдаушы Шартқа қосылу туралы өтінішке қол қойып, осы Шартты жасасу арқылы Қазақстан Республикасының заңнамасына сәйкес Операторға дербес деректерді жинауға және өңдеуге құқық беруге өз келісімін растайды.

45. Шарт Қабылдаушы қосылу туралы өтінішке электрондық цифрлық қолтаңба арқылы қол қойған күннен бастап өз күшіне енеді және Шартта көзделген жағдайларды қоспағанда, Шарттың 7-тармағында көрсетілген мерзім ішінде, ал өзара есеп айырысулар бөлігінде — Тараптар өз міндеттемелерін толық орындағанға дейін қолданылады.

46. Осы Шартқа өзгерістер мен толықтырулар енгізуге тек қана Тараптардың келісімі бойынша жол беріледі және олар екі Тараптың да уәкілетті өкілдері қол қойған қосымша келісім түрінде жазбаша нысанда рәсімделеді.

47. Шартта көзделмеген барлық мәселелерде Тараптар Қазақстан Республикасының қолданыстағы заңнамасын басшылыққа алады.

48. Шарт талаптары Қазақстан Республикасы заңнамасының нормаларына сәйкес келмеген жағдайда, Тараптар үшін Қазақстан Республикасы заңнамасының нормалары басым деп танылады.

Тараптардың деректемелері

Оператор:

Төлемдерді қабылдаушы:

